

## Von dem Taback.

selben vnd drücke den Safft daraus. Zu dem Saffte wird etwas von Salz/Aniß vnd Ingber gethan/ vnd mit guten starcken/ süßen Wein gekocht/ In solchem Saffte vnd Weine/wann er geschämet ist vnd sich wol gesetzt hat/werden darnach die andern Blätter ein gedaucht/ vnd biß sie warm werden auff einander gelegt. Dann werden sie im Schatten wider ein wenig trucken gemacht vnd zusammen gesponnen.

### Das fünffte Capitel.

## Was der Taback vor Tugenden vnd Eigenschaften an sich habe.

**Z**iel sind der meinung / es habe der Taback eine kühlende Krafft bey sich. Aber Monardes saget: Er sey warm vnd trucken/vnd zwar im andern oder im Anfang des 3. grads. Welchen viel vornehme vnd wolerfahrne Medici, vnter andern auch der weitberühmte vnd Wohlerfahrne H. D. Quicinus Schma zius p. m bey gefallen/ Welches aber vielmehr von dem durren als grünen Taback zuverstehen. Vber diese hat er auch die Krafft/das er die bösen Feuchtigkeiten im Leibe dinne vnd flüssig macht vnd zertheilet/ die Gliedmassen von denselben Purgiret vnd reiniget/vnd ein wenig zusammen ziehet. Er hat auch die Krafft bey sich/das er macht das man wol schlaffen kan/ vnd wenn einer oder der andere Schmerzen vorhanden/ denselben gar nicht fühlet. Er bringet auch einen/so er sich müde vnd Krafftloß gearbeitet oder geritten/wieder zu seinen vorigen Kräfften. Dannenhero die Einwohner in America wann sie sich müde gesochten vnd gerungen/das sie wieder Arm noch Beinregen können / vnd gleichsam halb Tode sind / durren Taback anzuzünden vnd den Rauch darvon durch ein Driechterlein in den Mund vnd Nasen zuziehen pflegen. Darauff sie dann als wenn sie mit Gewalt darnieder geschlagen würden / auff die Erden fallen?

B

fallen?